

فيديو ٤١٨ من مقاطع حظر التجول تدبر النساء حلقة ١ الآية ١

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تمنمية واربعتاشر من مقاطع حظر التجول وفي الحلقة الاولى من حلقات تدبر سورة النساء العلماء قسموا سور القرآن الى الطوال والمئين والمثاني والمفصل - 00:00:00

الطوال سبعة الطوال هم البقرة وال عمران والنساء والمائدة والانعام والاعراف الانفال والتوبه تقول لي دول تمانية باقول لك اعتبروا الانفال والتوبه صورة واحدة لعدم وجود البسمة بينهم. فيه علماء لهم علماء العدد. اعتبروا الانفال والتوبه صورة واحدة - 00:00:34

دول السبعة الطوال المئين كل سورة عدد اياتها مائة او تزيد حاجة بسيطة او تنقص شوية من اول سورة يومنس من بعد التوبه من يومنس لغاية سورة العنكبوت يعني احنا لما بدأنا التدبر من تمنمية واربعتاشر يوم بدأنا بالمئين وفوتنا السبعة الطوال - 00:00:57

تمام؟ طيب من يومنس الى العنكبوت عشرين سورة تقربيا عكاي المثاني المثاني من اول الروم لغاية الفتح تسعاشر صورة النوع الرابع يبقى الطوال المئين المثاني. النوع الرابع العلماء سموه المفصل اللي هو كل الباقي - 00:01:26

المفصل لسرعة الفصل بين صوره بالبسمة. البسمة فاصل بيسموه المفصل. يعني في في فواصل كثيرة ينقسم الى طوال المفصل او اووسط المفصل قصار المفصل اللي بنسميه قصار السور طوال المفسر من الحجرات الى النبا - 00:01:48

تسعة وعشرين صورة اووسط المفصل من النبا الى الضحى خمساشر صورة المفصل او قصار السور من الضحى الى اخر القرآن الى سورة الناس اتنين وعشرين سورة. احنا بفضل الله تدبرنا كل - 00:02:13

كل المثاني كل المفصل وتدبرنا من السبع الطوال البقرة وال عمران والاعراف. لأن احنا كنا رجعنا خدنا الاعراف معنا واحنا في المثاني كده باقي لنا النساء وهنبدأها الليلة بازن الله. لكن هتطول معنا شوية في حدود - 00:02:30

شهرين ثم المائدة ثم الانعام ثم الانفال ثم التوبه نبدأ بقى سورة النساء. ان شاء الله. بسم الله الرحمن الرحيم سورة النساء سورة مدنية ترتيبها في المصحف رقم اربعة بعد الفاتحة - 00:02:51

وبعد البقرة وال عمران فهي الفاتحة البقرة ال عمران النساء. رقم اربعة في ترتيب المصحف في ترتيب النزول هي تقربيا سادس صورة تنزل في المدينة. من قلنا سورة سادس سورة يعني بدايتها بدأت - 00:03:12

السادس صورة وقلنا الصور بالزات المدنية والطوال قعدوا سنوات ينزلوا. لكن باقول سادس يعني السادس آآ مقطع كان في بنحسب الصورة ببداية الصورة نزل امتنى؟ عدد اياتها مية ستة وسبعين اية في خلاف فيهم على فكرة في بين علماء العدد - 00:03:30

لانه بيجمعوا بعض الایات بيدمجوهم مع بعض. فالبعض قال مية وسبعين. البعض قال مية اربعة وسبعين. البعض قال مية خمسة وسبعين. لكن يعني ايه الجمهور على انها مية ستة وسبعين اية - 00:03:50

ما فيش اي خلاف ولا كلمة ولا حرف يعني لكن هو ادماج الایات احيانا بعضهم بيعتبر ايتين يعتبرهم اية واحدة مية ستة وسبعين اية كلهم نزلوا في المدينة ما عدا اية واحدة هي الایة تمانية وخمسين - 00:04:03

اللي هي ان الله يأمركم ان تؤدوا الامانات الى اهلها. واذا حكمتم بين الناس ان قوموا بالعدل هذه الایة نزلت في مكة يوم الفتح يبقى الایة دي مدنية ولا مكية؟ - 00:04:23

اكتبوا لي كده في التعليقات الایة دي نزلت يوم الفتح في مكة يبقى الایة دي مدنية ولا مكية؟ عايز اشوف كده بتكتبوا ايه في التعليقات مم الناس اللي على الفيسبوك يكتبوا لي والناس اللي على اليوتيوب يكتبوا لي بشوف تعليقات انتم الاثنين بس -

المدنية والمكية لما اية تنزل في مكة يوم الفتح مكية ولا مدنية؟ مدنية برافو عليكو اللي قالوا مدنية برافو عليك. ليه بقى؟ قلنا يا جماعة احنا نزامنا ماشيين عليه المكي القرآن المكي ما نزل قبل الهجرة - 00:05:04

وموضوعاته موضوعات التربية والعقيدة والمدني هو ما نزل بعد الهجرة. حتى لو نزل في مكة خلاص؟ طبعا فيه علماء ما بيقولوش كده. لكن احنا ماشيين على هذا النظام من اول ما بدأنا يعني - 00:05:20

وده افضل تقسيم فيرأيي يعني طبعا آآ اسماء سورة النساء لها تلات اسماء فقط. قلنا فيه سور لها اسماء كثيرة مسلا الفاتحة لها خمسة وعشرين اسم آآ وهكذا اه صورة اه قل هو الله احد لها برضه حوالي ثلاثة وعشرين اسم - 00:05:36

النساء لها تلات اسماء فقط اول اسم هو النساء وهو الاسم الاشهر المستخدم في المصاحف والدليل هو كلام السيدة عائشة في صحيح البخاري لما قالت ما نزلت سورة البقرة وسورة النساء - 00:05:59

وسورة النساء الا وانا عنده. يعني بعد ما تزوجني النبي نزلت سورة البقرة وسورة النساء الاسم الثاني هو سورة النساء الكبرى او سورة النساء الطولى يعني الطويلة. ليه؟ لأن سورة الطلاق تسمى سورة النساء الصغرى او - 00:06:19

النساء القصوى. وده ورد في كلام ابن مسعود الاسم الثالث وده سماه بعض المفسرين زي الطبرى والرازى والانباري قالوا سموها السورة التي يذكر فيها النساء يعتبر اسم نلاحظ ان التلات اسماء لم يخرجوا عن النساء - 00:06:43

وده ان الصورة مليئة بالاحكام الخاصة بالنساء فالنساء قبل الاسلام كانوا محترقات الى درجة كبيرة يعني ليس فقط ان المرأة كانت لا ترث بل هي نفسها تورس المرأة كانت تورس زي الفرس زي الجمل - 00:07:04

كأنها متع من متع البيت طبعا مش كل القبائل كانت بتعمل كده لكن كان في ناس بتعمل كده وده مش في الثقافة العربية فقط لا كثير من الثقافات او معظم الثقافات كانت تضطهد المرأة - 00:07:26

البعض مسلا الفرس ما كانوا يضطهدوا المرأة. لكن معزم الثقافات كانت تضطهد المرأة وفيه ناس تحب قوي تدافع عن العرب ايام الجاهلية ويقولوا لا العرب ما كانوا يسيئوا معاملة النساء ويضربوا المثل ان كان فيه نساء قويات غنيات زي السيدة خديجة هذه كانت حالات استثنائية - 00:07:40

ايا جدا لكن العرب بشكل عام كانوا بيضطهدوا المرأة الاوروبيين اكتر من اضطهدوا المرأة اصلا. الى وقت قريب جدا اصلا فكرة ان المرأة بعد الزواج تأخذ لقب عائلة زوجها يعني تفقد لقب عيلتها هي - 00:08:03

وتاخد لقب عيلة زوجها ده اصلا نوع من الاستعباد. لأن الرجل لما كان يشتري عبد العبد بيأخذ اسم عائلة المالك. يعني مسلا عبد اسمه مسلا كنتاكي انت اشتراه واحد امريكي اسمه مسلا مستر - 00:08:26

سميث واتسون. فالعبد بيقى اسمه كونتا واتسون. ياخذ اسم عائلة المالك كذلك بقى مستر واتسون ده لما يتجاوز واحدة بيضا وامريكية ومساوية اسمها مسلا سونيا جوردن يبقى اول الماء تبقى زوجته تفقد اسم عيلتها وتبقى اسمها سونيا وواتسون زي العبد بالضبط - 00:08:44

اقول لكم على حاجة اكتر من كده؟ هنا في انجلترا الازواج كانوا بيعيوا زوجاتهم زي العبيد لغاية بداية القرن العشرين حاجة مذلة اتفضوا ادي صورة اهي ليه يعني رجل بيع زوجته - 00:09:11

في لندن هنا دي صورة اترصدت من حوالي متين سنة. في القرن التسعاشر لبيع الزوجات. لكن في مؤرخ اسمه اه جيمس برايس كتب في اوائل القرن العشرين ان بيع الزوجات كان مستمر حتى هذا الوقت - 00:09:35

بل في محاضر الشرطة في مدينة ليدز ليدز تاني اكبر مدينة في آآ انجلترا في عام الف وتسعمية وتلتاشر زوجة عملت ربيورت عملت بلاغ للشرطة ان زوجها باعها لزميله في العمل بجنيه استرليني واحد - 00:09:53

طبعا المشاركة السياسية والتصويت في الانتخابات ده امر كان مستحيل اضطررت النساء لتكوين حركات تحرر اضطروا يلجأوا للعنف اعتقلت نساء كثيرات ورفعوا قضايا في المحاكم اخدوا حقهم في امريكا سنة الف تسعمية وعشرين لما كسبوا القضية اللي هم

وفي بريطانيا سنة الف وتسعمية تمانية وعشرين اول تصويب النساء في فرنسا الف وتسعمية اربعة واربعين اول تصويب النساء في سويسرا سويسرا الف وتسعمية واحد وسبعين في دولة العدل والاحسان - 00:10:41

التي كان يرأسها محمد بن عبدالله صلى الله عليه وسلم وعاصمتها المدينة قبلهم بالف وربعميت سنة النساء ادلت باصواتها مشاركة سياسية بدون سورة نسائية وبدون اعتقالات ولا تكسير زجاج محلات ولا محاكم ولا ولا ما حد يمن عليهم - 00:11:04
اصلا ان ده حق المرأة اللي الله سبحانه وتعالى اعطاه لها سورة النساء سورة كلها علاقات. علاقة الرجل بالمرأة بالله بالمجتمع بالعالم كله يعني علاقة الانسان بالانسان رجال ونساء وعلاقة الانسان بالله - 00:11:29

علاقة الانسان بالمجتمع علاقة الانسان بالمجتمع الدولي كمان. هنشوف هزا الكلام بطريقه يعني حاجة من اغرب ما يمكن الحقيقة. صورة عزيمة جدا الوحي سواء القرآن او السنة نقول الوحي الوحي بينقسم الى قرآن وسنة. سنة تشريعية وحي - 00:11:53
الوحي بيتعامل يا جماعة مع الانسان طولا وعرضها وعمقا ده كلام الشيخ القرضاوي عجبني جدا كلامه ده في كتاب كيف نتعامل مع القرآن العظيم؟ وده من اعظم الكتب اللي ممكن حد يقرأها. هم في كتابين - 00:12:11

بنصح بهم دايما كيف نتعامل مع القرآن العظيم؟ وكيف نتعامل مع السنة النبوية المطهرة؟ الاتنين للشيخ القرضاوي عايز اقول لكم الكتابين دول غيروا حياتي خاصة كتاب كيف نتعامل مع السنة النبوية. وهو اسهل كتير اوكي. من كيف نتعامل مع القرآن العظيم - 00:12:30

الوحي بيتعامل مع الانسان طولا وعرضها وعمقا ازاي الوحي بيتعامل معك بالطول من قبل ما ابوك وامك يتجوزوا اصلا بيقول لكل واحد فيهم يختار الثاني ازاي اظفر بذات الدين تربت يداك. قلت له ايه؟ اذا ان جاءكم من ترضون دينه وخلقه فزوجوه. فيقول لهم ازاي يختاروا ايه؟ بعض - 00:12:50

هو بيتعامل معك من قبل ما انت تتحول وبعدين لما يخلفوك برضو فيه طريقة في التعامل معك. الدين بيقول لهم السنة ايه؟ يأذنوا في ايدنا ودنك اليمين ويقيموا الصلاة في الشمال - 00:13:19

بيسموك امتي لو انت ولد يختنوك لو آآ العقيقة نزام كله حنك عليهم ايه؟ لك حقوق عليهم. وانت طفل رضيع ايضا الدين بيتعامل معك وبيحط لك نظام وبيحط لك حقوق والرداعة - 00:13:36

والفطام ثم لما تشب يعني اما تبقى شاب او تبقى شابة يا شابة حقوقكم حقوقكم على ابائكم برضه ايه. ثم يقول لك بقى لما انت تبقى شاب وشابة كده حقوقهم هم عليك انت ايه - 00:13:54

حقوق الوالدين عليك انت ايه وبعدين يقول لك ازاي انت بقى تختار شريكة حياتك ونرجع تاني من الاول ويأخذك كده الوحي ماشي معك لغاية ما تموت او تموي وبيقول اللي حواليك يعملاوا ايه بعد ما انت تموتوا - 00:14:13

يغسلوكم ازاي هيكتنوكم ازاي هيصلوا عليكم ازاي ويعملوا لكم ايه ويدعوا لكم ازاي وكل حاجة فالوحي واخذك بالطول في كل مراحل حياتك كل بقى مرحلة من مراحل حياتك دي الوحي بينزمه لك بالعرض - 00:14:30

فانت في لحظة معينة انت اب وانت اخ في نفس الوقت يقول لك انت عامل ازاي مع اخوك؟ وانت ابن تقول لك ازاي اتعامل مع ابوك او امك وانت زوج انت عايز تتعامل ازاي مع زوجتك - 00:14:47

وانت يا زميل في العمل ازاي تتعامل مع زميلك انت رئيس او مرؤوس جار كل ده ففي كل مرحلة في طول حياتك في عرض الدين برضه بينزمه لك الوحي بيتعامل معك بالطول وبالعرض وبالعمق. ازاي بقى بالعمق؟ يعني بيتعامل معك كجسد وكروح وكقلب - 00:15:03

ده مشاعر تعالوا نبدأ سورة النساء اعوذ بالله السميع العليم من الشيطان الرجيم بسم الله الرحمن الرحيم يا ايها الناس اتقوا ربكم يا ايها الناس اتقوا ربكم الذي خلقكم من نفس واحدة - 00:15:26

وخلق منها زوجها وبث منها رجلا كثيرا ونساء واتقوا الله الذي تسألون به والارحام ان الله كان عليكم رقيبا واتقوا الله الذي

تساءلون به والارحام ان الله كان عليكم رقيبا - 00:15:53

احنا لسه طالعين من ال عمران اخر اية كانت بتأمرنا بايه الصبر والتقوى فاكررين اخر اية اهي يا ايها الذين امنوا اصبروا وصابروا ورابطوا واتقوا الله لعلكم تفلحون طب ليه نتنقي الله - 00:16:18

بيقول لك خد الاهلي اللي بعدها. يا ايها الناس اتقوا ربكم الذي خلقكم من نفس واحدة. وخلق منها زوجها وبث منها هما رجالا كثيرا ونساء واتقوا الله الذي تتساءلون به والارحام ان الله كان عليكم رقيبا - 00:16:42

صح ؟ طيب يبقى خطاب للناس كلها ودي اول مفاجأة في سورة النساء ان النساء يا ايها الناس عادة بيجي في القرآن المكي قبل الهجرة اما المدنى فيخاطب المؤمنين بيا ايها الذين امنوا لكن هنا النساء - 00:17:01

للناس كلها يا ايها الناس يعني يا كل الناس مش النساء هنا ليس للمؤمنين فقط المؤمنين يا ايها الذين امنوا بيجي نداء عشان الاحكام الفقهية الحال والحرام لكن هنا نداء للناس جميعا اتقوا ربكم. ليه - 00:17:27

ان هو اللي خلقكم الذي خلقكم. هي دي محتاجة سؤال يا ايها الناس اتقوا ربكم الذي خلقكم يعني ايه اتقوا ربكم ؟ يعني اتقوا غضب ربكم اتقوا عقاب ربكم او عقاب ربكم. الانسان لما يتقي انسان بيبعد عنه. علشان لا يناله منه اذى. اما تقوى الله تكون بالقرب من الله. ده - 00:17:45

كلما اقتررت من الله كلما تجنبت غضب الله عقاب الله تكون بارضاء الله ويدرك الله تقوى الله تكون بحب الله قلنا ان حب الله المهم هو ان الله الله هو اللي يحبك - 00:18:12

لا يكفي ان انت تبقي بتحب الله. لا يكفي ابدا. قلنا عندنا رفاصات بيحبوا ربنا وانا مصدق ان هم بيحبوا ربنا. كان هذا لا يكفي المهم هل ربنا بيحبهم ولا لأ؟ هل ربنا بيحبكم ولا لأ - 00:18:35

هو ده المهم فلازم تبحث عن الصفات اللي ربنا بيحبها في الانسان. وتصف بها. والصفات اللي ربنا يكرهها في الانسان وتبتعد عنها يا ايها الناس اتقوا ربكم الذي خلقكم من نفس واحدة وخلق منها زوجها وبث منها رجال - 00:18:49

كثيرا ونساء او الرسالة اتقوا الله. تاني رسالة الذي خلقكم. يعني اول حاجة علاقتكم اول بند من بنود العلاقة بالله هي ان الله هو الخالق تالت رسالة لكم اخوات لكم ولاد نفس الاب ونفس الام - 00:19:12

يا ايها الناس اتقوا ربكم الذي خلقكم من نفس واحدة وخلق منها زوجها وبث منها رجالا كثيرا ونساء كلهم اخوات يا ايها الناس كلهم اخوات. سيدنا علي ابن ابي طالب كان يقول الناس صنفان اما اخ لك في الدين او نظير لك في الخلق - 00:19:33

ما فيش فضل للابيض على الاسود ولا للرجل على المرأة ولا للغني على الفقير يا ايها الناس اتقوا ربكم الذي خلقكم من نفس واحدة وخلق منها زوجها. وبث منها رجالا كثيرا ونساء - 00:19:58

الاصل واحد ادم ومنه حواء ومنهما وبث منها رجالا كثيرا ونساء بث يعني نشر الفراش المبثوث يعني الفراش المنتشر في كل مكان. لما بتتنظر على الفراش ليه بيطير بس مش زي الطيور. الطيور كلها بتطير في نظام واحد في اتجاه واحد - 00:20:16

لكن الفراش بيبقى مبثوث يعني بيطير في كل اتجاه اهو انا عندي فيديو جبته لكم عشان اوريكم يعني ايه مبثوث. يعني ايه فراش بيطير الفراش اللي بيتجتمع اللي هو بيسميها العترة اللي بتتجتمع حوالين النور او حوالين النار. استنوا بصوا اهو - 00:20:40

اتفضلي ما اعرفش الصوت بتاعي طالع ولا لأ لكن يعني مبثوث يعني بيطير في كل اتجاه. في كل اتجاه ربنا بس بس منها من ادم وحواء رجالا كثيرا ونساء يعني نشرهم نشر ذرية ادم وحواء - 00:21:01

في الارض كلها هذا دليل اتحاد المصدر مصدر الرجال والنساء مصدر واحد مصدر الشعوب اللي في الارض مصدر واحد وحلي بالك هنا في هذه الاية المقصود خلقكم من نفس واحدة وخلق منها زوجها يبقى ادم وحواء - 00:21:26

لانه ورد مرتين وجعل منها زوجة اللي هي مسلا في سورة الاعراف بصوا في سورة الاعراف اه هو الذي خلقكم من نفس واحدة وجعل منها زوجها ده مش ادم وحواء - 00:21:48

ليه ؟ كمل ليسكن اليها فلما تفشاها حملت حملًا خفيفا فمرت به فلما اثقلت دعا والله ربها لان اتيتنا صالحنا لنكون من الشاكرين

وبعدين فلما اتاهما صالحًا جعلا له شركاء - [00:22:21](#)

فيما اتاهما فتعالى الله عما يشركون. ده مش ادم وحواء ادم وحواء لم يشركها بالله الكلام هنا عموماً عن الانسان اللي ربنا جعل له زوجة وطول ما هم محتاجين ربنا وعاوزين حاجة من ربنا بيتفقوا ربنا وبيدعوا ربنا وبيتضرروا - [00:22:45](#)

الى الله واول ما يعطيهم يشركوا بالله. فده كلام رمزي عموماً سورة الزمر الاية ستة خلقم من نفس واحدة ثم جعل منها زوجها جعل منها زوجها. وانزل لكم من الانعام ثمانية ازواجاً يخلقكم في بطون امهات - [00:23:01](#)

اتيكم خلقاً من بعد خلق مقصود بها الناس عموماً الناس اما في اية النساء المقصود هنا هو ادم وحواء ادم وحواء يا ايها الناس اتقوا ربكم الذي خلقكم من نفس واحدة وخلق منها زوجها. وبيت منها رجالاً كثيراً - [00:23:23](#)

طب ليه قال رجالاً كثيراً ونساء ما قالش ليه ونساء كثيرات فيها اراء كثيرة او في التفسير لكن اللي اقعنعي بصراحة ان الموضوع في النهاية خالص المتعلق بالبلاغ المقصود رجالاً كثيراً ونساء كثيرات - [00:23:48](#)

لكن بتؤلم في الاذن لانها مش بليغة فحذفت كثيرات لانها مفهومة من السياق خالص. رجالاً كثيراً ونساء ونساء كثيرات الشيخ الشعراوي بيقول خاصة وانه عادة الذكور اقل من النساء. فلما يقول رجالاً كثيراً بيقى اكيد نساء كثيرات مش محتاج يقولها - [00:24:13](#)

من الناحية البلاغية كده افضل يعني والله اعلم خلي بالك من حاجة كل اللي انت عمال تسمعه مني ده والتدبر ده ده احتمال ده اللي بي يعني اللي دي رسائل بتيجي الى قلبي - [00:24:32](#)

رسائل بتيجي كل الاراء اللي بتسمعوها دي كل يا جماعة الردود على الاسئلة هي ليست ردود. هي محاولات للرد. الحقيقة والحق انا اعرفه بقى يوم القيمة لكن لابد ان احنا باستمرار نحاول نطلب العلم نحاول نفكر نحاول نعرف - [00:24:47](#)

واتقوا الله الذي تساءلون به والارحام. ان الله كان عليكم رقيباً. سبب اخر يجعلك تتقى الله وهو انك يستخدم ربنا في الحلفان اصلاً انت بتحلف الناس بربنا يعني انت يستفيد من ربنا بانك تطلب من الناس بالله تقول له بالله عليك اعطياني كذا - [00:25:03](#)

معقول تستحلف الناس به وانت بتغضبه معقول تستحلف الناس دي وانت مش معترض به متخييل لو واحد مسلاً عاق لابوه وامه وكل ما يكلم اخواته يقول لهم طب وحياة باباً. طب وحياة ماما انت يا ابني اصلاً مضايقهم اصلاً. انت اصلاً عاق. بصرف النزء بقى ده حرام ولا حلال واحد يحلف بغير الله؟ انا باتكلم - [00:25:25](#)

عموماً لو ده واحد مش مسلم اصلاً ما ينفعش بيقى بتحلف اخواته بابوه مسلاً او بامه وهو عاق لابوه او امه يعني هيضحكوا عليه مش مقبولة طيب لما انت بقى بتحلفوا بعض بالله - [00:25:46](#)

طب اتقوا الله بقى ما تغضبوه واتقوا الله الذي تساءلون به والارحام. يعني اتقوا الله ان تغضبوه واتقوا الارحام ان تقطعوها لا تقطعوا الارحام القرابة الارحام يعني صلة الرحم. القرابات الاقرب الاعمام الحالات ولاد الاعمام ولاد الحالات - [00:26:01](#)

و خاصة طبعاً الاب والام لانهم سبب وجودك الثاني بعد الله. السبب الاول هو الله. السبب الثاني لوجودك هو الاب والام واتقوا الله الذي تساءلون به والارحام. يعني اتقوا قطع الارحام - [00:26:26](#)

واخواتك والناس كلها لان كل الناس اخواتك ما تقطعش صلتكم بالناس. الاية بتقول لك ان الناس كلهم ارحام. ايه رأيك بقى؟ يا ايها الناس اتقوا ربكم الذي خلقكم من نفس واحدة وخلق منها زوجها وبيت منها رجالاً كثيراً ونساء. كل الناس - [00:26:46](#)

رجال ونساء من اب واحد وام واحدة. واتقوا الله الذي تساءلون به والارحام ان الله كان عليكم رقيباً يعني ايه ما قالش ربنا يراكم. ايه رقيبة بيراقبكم ما قالش شايفكم ما قالش بكم بصيرة - [00:27:06](#)

انت انت اصلاً ممكن وانت ماشي بالصدفة تشفو حاجة. قدرنا كده تشفو حاجة لكن ان الله كان عليكم رقيباً الرقابة انك ترى عن قصد الله ينظر اليك ليرى ما تفعل - [00:27:25](#)

ده فيه تشديد اكتر. اللي بيراقب عليك اسمه المراقب في الامتحان. يعني هو شغلته يراقب. هو جاي عشان يراقبك ينظر مش بينظر لك بالصدفة لـأ. فيبيقول ربنا بيقول لك ان ربنا هو الرقيب - [00:27:44](#)

الاتساع الاهب لله . فيها . الاية واسعة اوه . يا حماعة - 01:28:00

كلم الناس كلهم اولاني يا ايها الناس اتقوا ربكم بتدعوههم بيدعوهم آآ يتقو ربهم يبقى علاقة الناس كلها بربهم اللي خلقهم الذي خلقكم كلهم من نفس واحدة - 00:28:17

وذه اهم بند في العلاقة بالله ان الله هو الخالق وجاب لك بقى تاريخ البشرية من اول خلق ادم بقى. وكيف وصل الامر الى انتشار الناس النهاردة في استراليا ونيوزيلندا اهو - 00:28:38

الذى خلقكم من نفس واحدة وخلق منها زوجها وبث منها رجالا كثيرا ونساء خلاص انت كده جبت اطراف العالم كله اية واسعة او ي
ثم رجع امر الناس مرة اخرى بالتقوى. تانى - 00:28:53

لكن المرة دي ما قالش اتقوا ربكم. قال ايه اتقوا الله واتقوا الله الذي تسألون به والارحام فمرة ذكرهم بربوبيته ومرة ذكرهم بالوهيته
اتقوا ربكم تستدعي ان هو اللي خلقكم وبشكم يعني نشرككم ورعاكم - 00:29:15

والوهيتى وانقوا الله تستدعي قدرته عليكم عشان انتم مطلوب منكم حاجات تؤدوها نحو الارحام. جاية بقى صورة هتبدا في الموضوع ده ما تقطعوش الارحام. ما تظلموش بعض. والصورة هتبدا من بكرة بقى في المسألة دي - 00:29:36

لان ربنا هو الرقيب عليكم. شف الاية واسعة ازاي وفي الاخر خالص ركزت ان كل حاجة ربنا يراها اقرا الاية كده واسعرا بالغزارة بتاعة هذه المعاني ونتوقف هنا الليلة اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله قوة لنا - 00:29:55

فيما تحب وما زويت عنا مما نحب فاجعله فراغا لنا فيما تحب. اللهم اجعل حبك احب اليها من اهل واموالنا ومن الماء البارد على
الظماء اللهم حبنا اليك والى ملائكتك وانبيائك ورسلك وعبادك الصالحين. واجعلنا من يحبك - 00:23

احب ملائكتك وانبيائك ورسلك. وعبادك الصالحين. اللهم احيي قلوبنا بحبك. واجعلنا لك كما تحب اللهم اجعلنا نحبك بكل قلوبنا ونرضيك بكل اجسادنا. اللهم اجعل حبنا كله وسعينا كله في مرضاتك. اللهم اجعل القرآن الكريم ربيع قلوبنا ونور صدورنا وجلاء احزاننا - 00:30:48

السموات والارض عالم الغيب والشهادة انت تحكم بين عبادك فيما كانوا فيه يختلفون فبحق كل - 00:31:18 وذهباب همومنا وغمونا ومغفرة ذنبنا. اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم فاطر

في حرف في كتابك تلوناه او تدبرناه. اكفنا واهلينا واخواننا واخواتنا شر كل من يكيد لنا ولهم. واحفظنا واياهم من شرورهم
ونجعلك اللهم في نحورهم فانت الوكيل ولا حول ولا قوة الا بك - 00:31:41

الله بحق كل حرف في كتابك تلونه او تدبرناه. ايد بنصرك المرابطين في الارض المباركة فلسطين اللهم سدد رميهم وخيب رمي
عدوهم وتقبل شهداءهم. وكن مع اخواننا في تركستان الشرقية وفي - 00:31:59

يعجزونك. واكتب لنا يا ربنا ختم القرآن فيه. اللهم انك تعلم ان هذه القلوب قد اجتمعت - 00:32:19

على كتابك وعلى محبتك والتلتقت يا ربنا على طاعتك وتوحدت على دعوتك وتعاهدت على نصرة شريعتك. فتوّق اللهم رابطتها وادم ودّها واهدها سبلها واملأها بنورك الذي لا يخبو واسّرّح بفيفض الایمان بك وجميل التوكل عليك. واحيّها يا ربنا بمعرفتك. وامتها يا مولانا - 00:32:39

على الشهادة في سبيلك انك نعم المولى ونعم النصير. وصل اللهم وسلم على سيدنا محمد وعلى الله وصحبه ومن تبع هداه والسلام
عليكم ورحمة الله وبركاته نراكم غدا بازن الله - 00:33:12
بنفس هذا الموعد ان كنا من اهل الدنيا - 00:33:32